


陸宣公奏議

二

4	13
741	
2	





413  
741  
2

唐陸宣公奏議卷第三

奏草

奉天請數對羣臣兼許令論事狀

德宗遣中使論贊云朕本性好推誠亦能納諫但緣上封事及奏對者少有忠良多是論人長短或探朕意旨出外即妄生是非為威福朕徃日將謂君臣一體都不隄防多被奸人賣弄却是失在推誠又諫官論事少能慎密例自矜街歸過于朕以自取名朕從即位以來見奏對論事者甚多抵皆是雷同道聽塗說試加質問即便辭窮朕見從前已來事祗如此近來不多取次對人亦不是于接納費以人君臨下當以誠信為本諫者雖辭情鄙拙亦當優容以開言路若震之威折之以辯則臣下何敢盡言乃上此疏以

陸宣公奏議

卷三

奏草

一

一

天正十五年二月



朝隱奉宣聖旨。頻覽卿表狀。勸朕數對羣臣。兼許令論事。辭理懇切。深表盡忠。朕本心甚好推誠。亦能納諫。但緣上封事及奏對者。少有忠良。多是論人長短。或探朕意旨。朕雖不受讒譖。出外卽謾生是非。以爲威福。朕往日將謂君臣一體。都不隄防。緣推誠信不疑。多被姦人賣弄。今所致患害。朕思亦無他故。卻是失在推誠。又諫官論事。少能慎密。例自矜銜。歸過於朕。以自取名。朕從卽位以來。見奏對論事者甚多。大抵皆是雷同。道聽塗說。試加質問。卽便辭窮。若有奇

才異能。在朕豈惜拔擢。朕見從前以來。事祇如此。所以近來不多取次對人。亦不是倦於接納。卿宜深悉此意者。聖德廣大。如天包容。俯矜狂愚。仍賜獎諭。嘉臣以懇切。目臣以盡忠。雖甚庸駑。實懷感勵。夫知無不言之謂盡。事君以義之謂忠。臣之夙心。久以自誓。以此爲奉上之道。以此爲報主之資。幸逢休明。獲展誠願。旣免罪戾。又蒙褒稱。庶奉周旋。不敢失墜。儻陛下廣推此道。施及萬方。咸獎直以矜愚。各錄長而捨短。人之欲善。誰不如臣。自然聖德益彰。羣心盡達。愚



衷懇懇實在於斯。睿眷特深。縷宣密旨。備該物理。曲盡人情。其於慮遠防微。固非常識所逮。然臣竊謂天子之道。與天同方。天不以地有惡木而廢發生。天子不以時有小人而廢聽納。帝王之盛。莫盛於堯。雖四凶在朝。而僉議靡輟。故曰。唯天為大。唯堯則之。是知破。德。宗。少。有。忠。良。之。說。人有邪直賢愚在處之各得其所而已。必不可以忠良者少而闕于詢謀獻納之道也。昔人有因噎而廢食者。又有懼溺而自沉者。其為矯枉防慮之慮。豈不過哉。願陛下取鑒於茲。勿以小虞而妨大道也。臣聞

本循作守

公。告。君。諸。疏。每。以。誠。信。立。說。是。千。古。人。君。龜。鑑。  
 人之所助在乎信。信之所立由乎誠。循誠于中可以俾眾無惑。存信于己可以教人不欺。唯信與誠有補無失。一不誠則心莫之保。一不信則言莫之行。故聖人重焉。以為食可去。而信不可失也。又曰。誠者。物之終始。不誠無物。物者。事也。言不誠則無復有事矣。匹夫不誠。無復有事。况王者賴人之誠。以自固。而可不誠於人乎。陛下破。德。宗。失。在。推。誠。之。說。所謂失於誠信。以致患者。臣竊以斯言為過矣。孔子曰。可與言而不與之言。失人。不可與言而與之言。失言。智者不失人。亦不失言。由此論



信慎本作  
慎信

之陛下可審其所言而不可不信慎其所與而不可  
不誠海禽至微猶識情偽含靈之類固必難誣前志  
所謂衆庶者至愚而神蓋以蚩蚩之徒或昏或鄙此  
其似於愚也然而上之得失靡不辨上之好惡靡不  
知上之所祕靡不傳上之所爲靡不效此其類於神  
也故馭之以智則人詐示之以疑則人偷接不以禮  
則狗義之意輕撫不以恩則効忠之情薄上行之則  
下從之上施之則下報之若響應聲若影從表表枉  
則影曲聲淫則響邪懷鄙詐而求顏色之不形顏色  
極言不誠之害盡人當留

形而求觀者之不辨觀者辨而求衆庶之不惑衆庶  
惑而求叛亂之不生自古及今未之得也故唯天下  
至誠爲能盡其性能盡其性則能盡人之性若不盡  
於已而望盡于人衆必給而不從矣不誠於前而曰  
誠於後衆必疑而不信矣今方岳有不誠於國者陛  
下則興師以伐之臣庶有虧信於上者陛下則出令  
以誅之有司順命誅伐而不敢縱捨者蓋以陛下之  
所有責彼之所無故也已先不誠不信何以責天  
人人將有辭何以致討是知誠信之道不可斯須去  
下之不誠不信



身願陛下慎守而行之。有加恐非所以為悔者也。臣聞春秋傳曰：人誰無過，過而能改，善莫大焉。易曰：日新之謂盛德。禮記曰：德日新，日日新，又日新。商書仲虺述成湯之德曰：用人惟已，改過不吝。周詩吉甫美宣王之功曰：衮職有闕，惟仲山甫補之。從來拒諫之君多是臣聞春秋百代不刊之典也，皆不以無過為美，而謂大善盛德在于改過，日新成湯聖君也，仲虺聖輔也，以聖輔而贊揚聖君，不稱其無過而稱其改過。周宣中興之賢主也，吉甫文武之賢臣也，以賢臣而歌誦賢主。

聖本於公

不美其無闕而美其補闕，是則聖賢之意較然著明。唯以改過為能，不以無過為貴，蓋為人之行已必有過差。上智下愚俱所不免，智者改過而遷善，愚者恥過而遂非，遷善則其德日新，是為君子，遂非則其惡彌積。斯謂小人，故聞義能徙者常情之所難，從諫勿拂者聖人之所尚。至于贊揚君德，歌述主功，或以改過不吝為言，或以有闕能補為美，中古已降，淳風浸微，臣既尚諛，君亦自聖，掩盛德而行小道，於是有人則造膝，出則詭辭之態興矣。姦由此滋，善由此沮，帝



諫一本作諧

陸賈奏議卷三

王之之害意由此感諫臣之罪由此生媚道一行為害斯甚唐太宗是千古第一肯納諫之君况于德宗太宗文皇帝挺秀千古清明在躬再恢聖謨一變尤為法祖盛事故舉以立論流弊以虛受為理本以直言為國華有面折廷爭者必為霽雷霆之威而明言獎納如魏徵每犯顏苦諫太宗輒為霽威之類有上封獻議者必為黜心意之欲而手勅褒揚如李大亮有佳鷹之表太宗將太宗反跌一番文勢故得有過必知知而必改存致雍熙之化沒齊堯舜之名向若太宗狗中主之常情滯亦激宕習俗之凡見聞過則羞已之短納諫又畏人之知雖有求理之心必無濟理之效雖有悔過之意必無從

理一本作代

諫之名此則聽納之實不殊隱見之情小異其于損益之際已有若此相懸又况不及中才師心自用又將心出莊肆于人上以遂非拒諫孰有不危者乎且以太太子示咏嘆一番文氣亦宕漾宗有經緯天地之文有底定禍亂之武有躬行仁義之德有理致太平之功其為休烈耿光可謂盛極矣然而人到于今稱詠以為道冠前古澤被無窮者則從諫改過為其首焉是知諫而能從過而能改帝王之美莫大于斯陛下所謂諫官論事少能慎密例自矜衒歸過于朕者臣以為不密自矜信非忠厚其於

陸賈奏議卷三

奏草

六



聖德固亦無虧。陛下若納諫不違，則傳之適足增美。陛下若違諫不納，又安能禁之？勿傳伏願以貞觀故事為楷模，使太宗風烈重光於聖代，恐不可謂此為歸過而阻絕直言之路也。臣聞虞舜察邇言，故能成聖化；晉文聽輿誦，故能恢霸功。左僖公二十八年大雅有詢於芻蕘之言，洪範有謀及庶人之義，是則聖賢為理務，詢衆心不敢忽細微，不敢侮鰥寡，侈言無驗不必用，質言當理不必違，遜於志者不必然，逆於心者不必否，異於人者不必是，同於衆者不必非，辭拙而效

速者不必愚，言甘而利重者不必智，是皆考之以實，慮之以終，其用無他，唯善所在則可以盡天下之理。見天下之心，夫人之常情，罕能無惑，大抵蔽於所信，阻於所疑，忽於所輕，溺於所欲，信既偏則聽言而不考其實，由是有過當之言，疑既甚則雖實而不聽其言。於是有失實之聽，輕其人則遺其可重之事，欲其事則存其可棄之人，斯並苟縱私懷，不稽臆極于以虧天下之理，于以失天下之心，故尋常之所輕，乃聖人之所重，圖遠者先驗於近，務大者必慎於微，將在



博採而審用其中固不在慕高而好異也陛下所謂  
比見奏對論事皆是雷同道聽塗說者臣竊以衆多  
之議足見人情必有可行亦有可畏恐不宜一概輕  
侮而莫之省納也陛下又謂試加質問即便辭窮者  
臣切恐陛下雖窮其辭而未盡其理能服其口而未  
服其心何以知其然臣每讀史書見亂多理少因懷  
感嘆嘗試思之竊謂為下者莫不願忠為上者莫不  
求理然而下每苦上之不理上每苦下之不忠若是  
者何兩情不通故也下之情莫不願達於上上之情

莫不求知於下然而下恒苦上之難達上恒苦下之  
難知若是者何九弊不去故也所謂九弊者上有其  
六而下有其三好勝人恥聞過騁辯給銜聰明厲威  
嚴恣彊復此六者君上之弊也諂諛顧望畏悞此三  
者臣下之弊也上好勝必甘於佞辭上恥過必忌於  
直諫如是則下之諂諛者順旨而忠實之語不聞矣  
上騁辯必剿說而折人以言上銜明必臆度而虞人  
以詐如是則下之顧望者自便而切磨之辭不盡矣  
上厲威必不能降情以接物上恣復必不能引咎以



受規如是則下之畏悞者避幸而情理之說不申矣。  
 夫以區域之廣大生靈之衆多宮闕之重尊卑之勢情既難深高卑之通而况又有九弊乎跌得最醒限隔自黎獻而上獲觀至尊之光景者踰億兆而無  
 一焉就獲觀之中得接言議者又千萬無一幸而得  
 接者猶有九弊居其間則上下之情所通鮮矣說上情  
 不通於下則人惑下情不通於上則君疑疑則不納  
 其誠惑則不從其令誠而不見納則應之以悖令而  
 不見從則加之以刑下悖上刑不敗何待是使亂多  
 理少史感嘆來脈從古已然考其初心不必淫暴亦在乎兩情相

阻馴致其失以至於艱難者焉引為不信其臣之  
 干剖而商滅宮奇去而虞敗屈原放而楚衰臣謂夏  
 殷虞楚之君若知四子之盡忠必不剽棄若知四子  
 之可用必不拒違所以至於忍害而舍絕者蓋謂其  
 言不足行心不足保故也四子既去四君亦危然則  
 言之固難聽亦不易趙武訥訥而為晉賢臣趙文子  
 然若不出諸口交子即武也引為辭窮之証絳侯木訥而為漢元輔絳侯  
 周勃為人木彊高帝勃為可屬大事公孫宏上書論事帝使難宏以十  
 策宏不得其一公孫宏請罷築朔方武帝使朱買臣  
 計難宏發十策宏不得一乃遜謝上



及為宰相卒有能名周昌進諫其君病吃不能對詔  
 乃曰臣口雖不能言心知其不可高帝欲廢太子昌廷爭之強上問其  
說昌為人吃又盛怒曰臣口不能言然臣期然則口  
期知其不可陛下欲廢太子臣期期不奉詔  
 給者事或非信辭屈者理或未窮人之難知堯舜所  
 病胡可以一酬一詰而謂盡其能哉以此察天下之  
 情固多失實以此輕天下之士必有遺才臣是以竊  
 慮陛下雖窮其辭而未窮其理能服其口而未服其  
 心良有以也古之王者明四目達四聰蓋欲幽抑之  
必通且求聞已之過也垂旒於前薶纒於側蓋惡視  
易以聽納之美先引古之王者欣動之

聽之太察唯恐彰人之非也降及末代則反於斯聰  
次以未代警戒之  
 明不務通物情視聽祇以伺罪釁與眾違欲與道乖  
 方於是相尚以言相示以智相冒以詐而君臣之義  
復就其時政  
 薄矣以陛下性含仁聖意務雍熙而使至道未孚臣  
以愧勵之  
 切為陛下懷愧於前哲也夫欲理天下而不務於得  
千古為政致治之人至言逐步追趨進來  
 人心則天下固不可理矣務得人心而不勤於接下  
 則人心固不可得矣務勤接下而不辨君子小人則  
 下固不可接矣務辨君子小人而惡其言過悅其順  
 已則君子小人固不可辨矣趣和求媚趣趣向也人  
和附和也



之甚利存焉。犯顏取怨。人之甚害存焉。居上者易其  
害。而以美利利之。猶懼忠告之不。既况有疎隔而勿。聽。三言者。不可不察。其故。  
接。又有猜忌而加損者乎。天生烝人。合以為國。人之  
有口。不能無言。人之有心。不能無欲。言不宜於上。則  
怨讟於下。欲不歸於善。則湊集於邪。聖人知衆之不  
可以力制也。故植謗木。陳諫鼓。列諍臣之位。置采詩  
之官。以宣其言。尊禮義。安誠信。厚賢能之賞。廣功利  
之途。以歸其欲。使上不至於亢。下不至於窮。則人心  
安得而離。亂兆何從而起。古之無為而理者。其率用

此歟。苟有理之之意。而不知其方。苟知其方。而心守  
不壹。則得失相半。天下之理。亂未可知也。其又違道  
以師心。棄人而任己。謂欲可逞。謂衆可誣。謂專斷無  
傷。謂詢謀無益。謂諛說為忠順。謂獻替為妄愚。謂進  
善為比周。謂嫉惡為嫌忌。謂多疑為御下之術。謂深  
察為照物之明。理道全乖。國家之顛危。可立待也。理  
亂之戒。前哲備言之矣。安危之效。歷代嘗試之矣。舊  
典盡在。殷鑒足徵。其於措置施為。在陛下明識所擇。承上。段。承前。數。段。句。起。下。進。說。  
耳。伏願廣接下之道。開獎善之門。宏納諫之懷。勵推



誠之美。其接下也。待之以禮。段發廣接。下道。和虛心。以盡其言。端意以詳其理。不禦人以給。不自銜以明。不以先覺為能。不以臆度為智。不形好惡以招諂。不大聲色以示威。如權衡之懸。不作其輕重。故輕重自辨。無從而詐也。如水鏡之設。無意於妍蚩。而妍蚩自彰。莫得而怨也。有犯顏讜直者。獎而親之。有利口讒佞者。疎而斥之。自然物無壅情。言不苟進。君子之道浸長。小人之態日消。何憂乎。少忠良。何憂乎。作威福。何患乎。妄說是非。如此則接下之要備矣。其獎善也。段發求之若

憂一本作有

不及用之懼不周。如梓人之任材。曲直當分。如滄海之歸水。洪涓必容。能小事則處之以小官。立大勞則報之以大利。不忌怨。不避親。不抉瑕。不求備。不以人廢舉。不以已格人。聞其才必試以事。能其事乃進。以班自然無不用之才。亦無不實之舉。如此則獎善之道得矣。其納諫也。一段發宏納諫之懷以補過為心。以求過為急。以能改其過為善。以得聞其過為明。故諫者多。表我之能好諫者直。示我之能賢。諫者之狂誣。明我之能恕。諫者之漏洩。彰我之能從。有一于斯。皆為盛德。是則人君

開。獎善之門



之與諫者交相益之道也。諫者有爵賞之利，君亦有雖說進諫與受諫者各理安之利。諫者得獻替之名，君亦得採納之名。然猶享其名各獲其利而歸到進諫或不當受諫則不諫者有失中而君無不美，唯恐讜言之不切。天下之拒之之美德更令受諫者踴躍無既不聞如此，則納諫之德光矣。其推誠也，在彰信在任段發屬推誠人彰信不務於盡言，所貴乎出言則可復，任人不可之美以無擇，所貴乎已擇則不疑言而必誠，然後可以求人之聽命，任而勿貳，然後可以責人之成功。誠信一虧，則百事無不糾繆，疑貳一起，則羣下莫不憂虞。是故言或乖宜，可引過以改其言，而不可苟也。任或乖

當可求賢以代其任，而不可疑也。如此則推誠之義孚矣。微臣所以屢屢塵黷而不能自抑者，蓋以陛下有拯亂之志，而多難未平，有務理之誠，而庶績未艾。有恥君不為堯舜意有堯舜聰明之德，而未光宅於天下，有覆載含宏之量，而未翕受於衆情。故臣每中夜靜思，無不竊嘆而深惜也。向若陛下有其位而無必行之志，有其志而無可致之資，則臣固已從俗浮沉，何苦而汲汲如是。惟陛下詳省所闕，亟行所宜，歸天下之心，濟中興之業。此臣之願也。億兆之福也。宗社無疆之休也。謹奏。



蔡九霞曰君而拒諫亦誰敢禁其拒者德宗本有拒諫之寔而不肯居拒諫之名然唯此不居其名一念猶是可與爲善根器不然雖有純忠格主之臣豈敢向恣情拒諫之君剖心吐膽若此公固不可及德宗亦未可盡非也

奉天論尊號加字狀

右冀寧奉宣聖旨。往年百官請上尊號曰聖神文武皇帝。今緣經此寇難。諸事並宜改變。衆議欲得於朕舊號之中。更加一兩字。卿宜商量事體。穩便得否者。伏以睿德神功。參天配地。巍巍蕩蕩。無得而名。臣子之心。務崇美號。雖或增累盈百。猶恐稱述未周。陛下斷越常情。俯稽至理。愚衷未論。安敢不言。竊以尊號之興。本非古制。行於安泰之日。已累謙沖。襲乎喪亂之時。尤傷事體。今者鑿輿播越。未復宮闈。宗祏震驚。



尚愆禋祀中區多梗大憝猶存此乃人情向背之秋天意去就之際陛下誠宜深自懲勵以收攬羣心痛自貶損以答謝靈譴豈可近從末議重益美名既虧追咎之誠必累中興之業以臣庸蔽未見其宜乞更詳思不為兇孽所幸此臣之至願也謹奏

重論尊號狀

是時賊泚未平帝欲明年改元而術家爭言數鍾百六宜有變更以應時數羣臣請更加尊號一二字帝以問贊贊乃上此奏

右冀寧奉宣聖旨卿所商量加尊號事雖則理體甚切然時運必須小有改變亦不可執滯不信卿宜為朕更審思量應亦無妨者臣聞德合天者謂之皇德合地者謂之帝德合人者謂之王父天母地以養人理物各得其宜者謂之天子是皆至尊之殊號極美之大名雖欲變更無踰於此故伏羲神農黃帝堯舜



自生人已來君德之最神聖者天下尊之美之亦已

至矣而其指以為號者或曰皇或曰帝唯曰一字且

猶不兼禹湯繼興莫匪大聖尚自菲薄降號為王嬴

秦德衰於殷周而名竊於義皞兼皇與帝始總稱之

秦王初并天下自以為德兼三流及後代昏僻之君

乃有聖劉天元之號漢夏賀良等說哀帝宜急改元

詔曰皇天降祐漢國再獲受命之符其以建是知人

主輕重不在名稱崇其號無補於徽猷損其名不傷

於德美然而損之有謙光稽古之善崇之獲矜能納

諂之譏得失不侔居然可辯況今時遭屯否事屬艱

難尤宜懼思以自貶抑必也俯稽術數須有變更與

其增美稱而失人心不若黜舊號以祇天戒天時人

事理必相扶人既好謙易謙卦云人道天亦助順易

辭曰天之所助者順也陛下誠能斷自宸鑒渙發德音引咎降

名深自剋責惟謙與順一舉而二美從之外可以收

物情內可以應元運上可以高德於復古下可以垂

法於無窮興廢典矯舊失至明也損虛飾收美利大

智也前聖之所以永保鴻名常為稱首者達於茲義



而已矣。陛下何恡而不革反。欲加冗號。以受實患哉。

元元道德經曰。王侯自謂孤寡不穀。王侯自稱以賤。孤寡不穀。以賤。

為本也。周襄王遭亂出居於鄭。告於諸侯曰。不穀不

德。鄙在鄭地。春秋禮之。以其能降名也。襄王使來告。難曰不穀不

德得罪于母弟之寵。書曰天王出居于鄭。避母弟之難也。天子凶服降名禮也。漢光武詔令

上書者不得言聖。漢光武詔上書者不得言聖。史冊稱之。以其能

損已也。臣顧以賤微。獲承訪議。伊尹恥其君不如堯

舜。臣亦恥之。是以誠發於中。不復防慮忌諱。赦其愚

而鑒其理。惟明主行焉。謹奏。

蔡九霞曰。天子尊無二上。豈在一二稱號之間。况

旋轉天心。正宜自貶。豈宜自尊。蓋自尊者。君心

侈侈。則不可復約也。自貶者。君心敬敬。則不敢

或肆也。所係非渺。何得以稱號虛名。置而不諫

哉。後世設為地瑞天祥。以相矜異。遂至蒿藜而

為嘉穀。鴟梟而為麀鳳。皆從一念之侈。所致適

足為政治訾耳。公之急於諫沮。正得此意。







不可以常語論。自陛下嗣承大寶，志壹中區，窮用甲

兵，竭取財賦，毗庶未達於暫勞之旨，而怨咨已深。昊

穹不假以悔禍之期，而患難繼起，復以刑謫太峻，禁

防傷嚴，上下不親，情志多壅，乃至變生都輦，盜據宮

闈，九廟鞠陷于匪人，六師出次于郊，邑奔逼憂厄，言

之痛心，自古禍亂所鍾，罕有若此之暴。今重圍雖解，

逋寇尚存，裂土假王者四凶。朱滔稱冀王武俊稱趙

王滔天僭帝者二豎李希烈僭帝位國號大秦又有

顧瞻懷貳叛援黨奸其流實繁不可悉數皇輿未復

如△此則當有以收之

國柄未歸，勞者未獲休，功者未及賞，困窮者未暇恤。

滯抑者未克伸，將欲紓多難而收羣心，唯在赦令誠

言而已。安危所屬，其可忽諸？動人以言，所感已淺，言

又不切人，誰肯懷？昔成湯遇桀，禱于桑野，躬自髡剔，

以為犧牲，古人所謂割髮宜及膚，剪爪宜侵體。見應

與岑文俞良以誠不至者，物不感損，不極者，益不臻。

今茲德音，亦類于是。悔過之意，不得不深；引咎之辭，

不得不盡。招延不可以不廣，潤澤不可以不宏。宣暢

鬱埋，不可不洞開襟抱；洗刷疵垢，不可不盪去癥痕。



使天下聞之廓然一變若披重昏而覩朗曜人人得

其所欲則何有不從者乎應須改革事條謹具別狀

同進除此之外尚有所虞竊以知過非難改過為難

言善非難行善為難假使赦文至精止于知過言善

猶願聖慮更思所難易曰聖人感人心而天下和平

夫感者誠發于心而形于事人或未諭故宣之以言

言必顧心心必副事三者符合不相越踰本於至誠

乃可求感事或未致則如勿言一虧其誠終莫之信

伏惟陛下先斷厥志乃施于辭度其可行而宣之其

信之。詔論之。後。

不可者措之無苟于言以重其悔言克誠而人心必

感人心既感而天下必平事何可不詳言何可不務

罄輸愚懇伏聽聖裁謹奏

蔡九霞曰一番詔赦必有加惠於民者幾條然不

過紙上空言何曾見之實事當時詔赦經公手

定不患條例之不備而患不肯實行故以誠感

力行之說進易曰納約自牖公庶幾焉

唐陸宣公奏議卷第三



陸宣公奏議卷第四

奏草四

奉天論擬與翰林學士改轉狀

帝以贊等諸學士扈蹕奉天書詔填委欲與改轉以獎勤勞贊以不宜先優近臣故上此奏

右冀寧奉宣勅旨。卿及諸學士名銜宜並鈔錄進來。冀寧又向臣說云。聖意以臣等自到奉天。書詔填委。欲與改轉。以獎勤勞者。承命竦息。顧慙非宜。進退徬徨。不知所措。臣先從自。已說起以儒學選居翰林。雖職異評謨。而



恩參近侍。當陛下用兵之會。乏決勝之籌。從陛下避  
 狄之遊。靡出奇之計。見危闕授命之節。知難無伏死  
 之爭。事君大猷。臣則皆曠。屑屑供職。曾何足云。夫君  
 之有臣。以濟理也。理不失道。亂何由生。亂之浸興。由  
 理乖也。君之及難。實臣罪也。是以主憂則臣辱。主辱  
 則臣死。越王勾踐。及國五年。檄召羣臣。仰天而嘆曰。主憂臣辱。主辱臣死。今陛下躬  
 罹逼脅。露處郊畿。園廟震驚。斯謂辱矣。寇讐密邇。亦  
 云憂矣。臣竊謂凡今在位任重者。其罪大。職近者。其  
 責深。臣之職司。頗亦為近。是宜當責。安可增榮。又聞



初到奉天。已頒詔命。應是扈從將吏。一例並加兩階。  
 今若翰林之中。獨蒙改轉。乃是行賞不類。命官以私。  
 錄微勞。則臣等遷位過優。勸來者。則從官加階太薄。  
 先後失次。輕重不倫。凡百具寮。誰不解體。論。賞。罰。夫行罰先  
 貴近。而後卑遠。則令不犯行賞。先卑遠。而後貴近。則  
 功不遺。至如徇主忘家。固是臣子常分。追陪輦蹕。曷  
 足甄稱。陛下必以朝官之中。有來有否。事須旌別。以  
 儆不從。則望先錄大勞。次徧羣品。然後以例。均被臣  
 亦何敢獨辭。殊渥曲臨。實傷大體。不任覲懼之至。謹



奉狀以聞謹奏。

蔡九霞曰公隨至奉天參帷幄之謀功存社稷乃引罪不遑未敢輕叨恩擢議論真摯絕非辭榮讓爵習套純臣心事真可與日月爭光者也

奉天請罷瓊林大盈二庫狀

德宗於行宮廡下貯諸道貢獻之物榜曰瓊林大盈庫贄以為戰守之功賞賚未行而遽私別庫則士卒怨望無復鬪志乃上此奏帝悟即命去其榜

右臣聞作法於涼其弊猶貪作法於貪弊將安救語見左傳

作邱賦篇示人以義其患猶私示人以私患必難弭故聖人之立教也賤貨而尊讓遠利而尚廉天子不問有

無諸侯不言多少語出大戴王制篇百乘之室不蓄聚斂之

臣夫豈皆能忘其欲賄之心哉誠懼賄之生人心而開禍端傷風教而亂邦家耳是以務鳩斂而厚其帑



積之積者匹夫是陪說。天子之富也。天子所作與天同方生之長之而不恃。其為成之收之而不私其有。付物以道。混然忘情。取之不為貪。散之不為費。以言乎體則博大。以言乎術則精微。亦何必撓廢。公方崇聚私貨。降至尊而代有司之守辱。萬乘以效。匹夫之藏。虧法失人。誘姦聚怨。以斯制事。豈不過哉。今之瓊林大盈。自古悉無其制。傳諸耆舊之說。皆云創自開元。貴臣貪權飾巧求媚。乃言郡邑貢賦。所用盍各區分。稅賦當委之有司。以

給經用。貢獻宜歸乎天子。以奉私求。

元宗在位久。妃御服玩脂澤之

費日侈而橫與別賜不絕。王鉞迎帝旨。歲進錢鉅億萬。儲禁中以為歲租。外物供天子私帝。以鉞有富國術。寵遇益厚。元宗悅之。新是二庫蕩心侈欲。萌抵於茲。迨

乎失邦。終以餌寇。記曰。貨悖而入。必悖而出。豈非其明

效歟。陛下嗣位之初。務遵理道。敦行約儉。斥遠貪饕。

雖內庫舊藏。未歸太府。而諸方曲獻。不入禁闈。德宗生日

四方貢獻皆不受。李正己田悅各獻絹三萬疋。悉付度支。以代租賦。清風肅然。海內丕

變。議者咸謂漢文却馬。出賈捐之傳晉武焚裘之事。咸寧四年

太醫司馬程據獻雉頭裘。帝焚于殿前。復見於當今。近以寇逆亂常。鑿



輿外幸。既屬憂危之運。宜增儆勵之誠。臣昨奉使軍

營。出由行殿。忽覩右廊之下。榜列二庫之名。懼然若

驚。不識所以。何則。天衢尚梗。師旅方殷。瘡痛呻吟之

聲。喚咻未息。忠勤戰守之効。賞賚未行。而諸道貢珍。

遽私別庫。萬目所視。孰能忍懷。竊揣軍情。或生缺望。

試詢候館之吏。兼探道路之言。果如所虞。積憾已甚。

或忿形謗讟。或醜肆謳謠。頗含思亂之情。亦有悔忠

之意。是知毗俗昏鄙。識昧高卑。不可以尊極臨。而可

以誠義感。頃者六師初降。百物無儲。外扞兇徒。內防

危堞。晝夜不息。迫將五旬。凍餒交侵。死傷相枕。畢命

同力。竟夷大艱。良以陛下不厚其身。不私其欲。絕甘

以同。卒伍輟食。以啗功勞。無猛制而人不攜。懷所感

也。無厚賞而人不怨。悉所無也。朱泚攻圍奉天經月

御纜有糲米二斛。每伺賊休息。夜絕人于城外。采蕪

菁而進之。帝召公卿將吏。謂曰。朕以不德自陷危亡。

固其宜也。公輩無罪。宜早降。以救室家。羣臣皆頓

首流涕。期盡死力。故將士雖困急而銳氣不衰。今

者攻圍已解。衣食已豐。而謠讟方興。軍情稍阻。豈不

以勇夫恒性嗜貨。矜功其患難。既與之同憂。而好樂

不與之同利。苟異恬默。能無怨咨。此理之常。固不足

不與之同利。苟異恬默。能無怨咨。此理之常。固不足

不與之同利。苟異恬默。能無怨咨。此理之常。固不足

不與之同利。苟異恬默。能無怨咨。此理之常。固不足



怪記曰財散則人聚財聚則人散豈非其殷鑒歟衆怒  
 難任蓄怨終泄其患豈徒人散而已亦將慮有締姦  
 鼓亂干紀而強取者焉夫國家作事以公共為心者  
 人必樂而從之以私奉為心者人必沸而叛之故燕  
 昭築金臺天下稱其賢李白古風有燕昭延郭隗遂  
 築黃金臺之句考史記燕昭  
 王為郭隗改築宮而師事之殷紂作玉杯百代傳其惡紂為象箸  
 為象箸必不加于土  
 銅必將為犀玉之杯蓋為人與為已殊也周文之囿  
 百里時患其尙小齊宣之囿四十里時病其太大蓋  
 同利與專利異也為人上者當辨察茲理洒濯其心

臧武仲謂季孫曰紂也聞之在上位者奉三無私禮記  
 酒濯其心一以待人而後可以治人  
 孔子閒居篇以壹有衆人或不率於是用刑然則宜其利  
 而禁其私天子所恃以理天下之具也舍此不務而  
 壅利行私欲人無貪不可得已今茲二庫珍幣所歸  
 不領度支是行私也不給經費非宣利也物情離怨  
 不亦宜乎智者因危而建安明者矯失而成德以陞  
 下天姿英聖倘加之見善必遷是將化蓄怨為銜恩  
 反過差為至當促殄遺孽永垂鴻名易如轉規指顧  
 可致然事有未可知者但在陛下行與否耳能則安

陸軍公券詩

卷四

奏草

六



否則危能則成德否則失道此乃必定之理也願陛下慎之惜之陛下誠能近想重圍之殷憂追戒平居之專欲器用取給不在過豐衣食所安必以分下凡散其舊積在二庫貨賄盡令出賜有功坦然布懷與眾同欲是公其新賦後納貢必歸有司每獲珍華先給軍賞環異織麗一無上供推赤心於其腹中見光武紀收民心將卒慕陛下必信之賞人思建功兆庶悅陛下改過之誠孰不歸德如此則亂必靖賊必平徐駕六龍旋復都邑興行墜典整緝焚網乘輿有舊儀郡國有恒賦

天子之貴豈當憂貧是乃散其小儲而成其大儲也方是九經濟損其小寶而固其大寶也舉一事而眾美具行之又應行與何疑焉恠少失多廉賈不處溺近迷遠中人所非況乎大聖應機固當不俟終日不勝管窺願効之至謹陳冒以聞謹奏

蔡九霞曰人君治國其上散財其次計財其下則聚財也散財者以天下之財與天下共則貨利流通君民咸裕矣計財者析秋毫竭流塞源日與卿大夫持籌登壘以圖筦利之術何暇恤民



理政哉。至於聚財則幾于掩民而掠矣。而且蓄之私藏。曰將以自豐。是君而賈也。有不起而思攫者乎。此奏剖別匹夫之富與天子之富不同。因極論聚財之將以生變而散財之所當急行。反覆痛切。宜德宗之憬然悟。幡然悔也。

奉天論解蕭復狀

右冀寧奉宣聖旨。緣國家賦稅多出江淮。既未收復。京城恐遠路傳說過甚。所以欲得遣一大臣。往彼宣慰。以安遠近之情。初欲簡擇此使。並先共宰相商量。皆云蕭復久任江外刺史。諳彼事宜。又就宰相之中。名望最重。令其往彼宣慰。人必望風悅服。其時蕭復亦自見此商議。更無異同。朕猶不能自斷。遂喚諸朝士。般次對見。一一親向說宣慰之意。問其穩便與否。皆云至要。並無異詞。朕所以更不疑惑。已與擇得發



陸軍考議 卷四  
日。及其臨行。從一等却論奏。欲得且留蕭復。又頻有朝官上封事。亦與從一等意同。朕忽見此翻覆非常。悵悵數日。思量不測其故意者。必是蕭復計會。遣其論奏。蕭復又有何事。苦欲得任。其意深不可會。卿比來諳此人性行否。兼與朕仔細思料。若不肯去。其意何在者。蕭復往年。曾任常州刺史。臣其時寄任常州。首尾二年。閱其理行。及到京邑。多與往來。歲月滋深。情意相得。復之志性。臣則備諳。本是貴門。又聯戚屬。痛自修勵。慕爲清貞。矯枉太深。時或過當。論經義。則

以守死善道。執心不回。爲本議人物。則以魏元忠。宋璟爲師。已之所行。皆欲盡善。故涉好名之累。亦無應變之才。用雖不周。行則可保。至如二三爽德。翻覆挾姦。復之爲人。必不至是。安有親承計議。退自變渝。私誘官僚。曲令干說。是同兒戲。非近人情。雖甚狂愚。猶應不敢。若稍恭慎。固當不爲。况乃見稱名流。獲踐清貫。備股肱之任。承渥澤之私。何心何顏。忍至於此。假令蕭復之意。或欲逗遛。在於從一之徒。寧肯附會。臣緣自到行在。常居禁中。向外事情。視聽都絕。忽承顧



問莫測端由。陛下必欲研窮斯理。不為難察。初舉蕭復充使。本是從一等商量。後請蕭復不行。又是從一等論奏。一矛一盾。理必有歸。或遣或留。意將安在。但垂睿詰。孰敢面謾。蕭復若相囑求。則從一等何容為隱。從一等儻自迴互。則蕭復不當受疑。陛下奚憚而不辯明。乃直為此悵悵也。夫明則罔惑。辯則罔冤。惑莫病於逆詐。而不與明。冤莫痛於見疑。而不獲辯。是使情偽相揉。忠邪靡分。茲實居上御下之要樞。惟陛下留意幸察。謹奏。

奉天薦袁高等狀

袁高、楊瑒。以上二人並曾裴譔。曾任金孫咸。曾任京

周皓。曾任丹延都裴胄。曾任宣崔造、殷亮、李舟。以上

郎何士幹、姚南仲、陸淳、沈既濟。以上曾任右臣近因

奏對言及任人。陛下累歎乏才。惘然憂見於色。臣退而思省。且喜且慙。所喜者。樂陛下急於求賢。明君致理之資也。所慙者。恥近侍不能薦士。微臣竊位之罪也。輒自揣擇。思舉所知。猶懼鑒識不明。品藻非當。反覆參校。未果上聞。昨蒙宣示中書。進擬量移官。令臣



陔餘叢考 卷四  
審看可否者。因悟貶降之輩。其中甚有可稱。臣以素所諳知。兼聞公議。此狀之內。僅得十人。狀所不該。又有三四。或因連累左黜。或遭讒忌外遷。互有行能。咸著名跡。寘之清列。皆謂良材。若但準例量移。及令仍舊出守。固非陛下愛賢之意。亦乖海內望理之心。倘蒙特恩。追赴行在。試垂訪接。必有可觀。錄遺棄瑕。旣符德號。振淹求舊。亦闡大猷。謹錄薦陳。庶備採擇。其餘差序遠近。並具別狀以聞。謹奏。

奉天論李晟所管兵馬狀

右賊泚稽誅。保聚宮苑。勢窮援絕。引日偷生。懷光總仗順之師。乘制勝之氣。鼓行芟翦。易若摧枯。而乃寇奔不追。師老不用。諸帥每欲進取。懷光輒沮其謀。據茲事情。殊不可解。陛下意在全後。委曲聽從。觀其所爲。亦未知感。若不別務。規畧漸相制持。唯以姑息求安。終恐變故難測。此誠事機危迫之秋也。固不可以尋常容易處之。今李晟奏請移軍。適遇臣銜命宣慰。懷光偶論此事。臣遂訊問所宜。懷光乃云。李晟旣欲



別行。某亦都不要藉。臣猶慮有翻覆。因美其軍盛強。懷光大自矜誇。轉有輕晟之意。臣又從容問云。昨發行在之日。未知有此商量。今者從此却迴。或恐聖旨顧問。事之可否。決定如何。懷光已肆輕言。不可中變。遂云。恩命許去。事亦無妨。要約再三。非不詳審。雖欲追悔。固難爲辭。伏望卽以李晟表。出付中書。勅下依奏。別賜懷光手詔。示以移軍事由。其手詔之大意云。昨得李晟奏。請移軍城東。以分賊勢。朕緣未知利害。本欲委卿商量。適會陸贄從彼宣慰迴。奏云見卿論

敘軍情。語及于此。仍言許去。事亦無妨。遂勅本軍。允其所請。卿宜授以謀畧。分路夾攻。務使叶齊。尅平寇孽。如此。則詞婉而直。理順而明。雖蓄異端。何由起怨。臣初奉使論旨。本緣糧賜不均。偶屬移軍。事相諧會。又幸懷光詭對。且無阻絕之言。機宜合。并。若有幽贊。一失其便。後何悔追。伏望聖聰。速垂裁斷。謹奏。

鍾惺曰。賊泚困窮。牢柵中物。而懷光遽爾遲迴。首鼠觀望。李晟之軍。受其節制。雖有忠謀。至計安所用哉。幸而晟得移營。翻然翱翔。不爲羈束形。



見勢動我得豫為之備矣此先事制人之高着  
然而懷光氣勢甚盛倘托為君命不受之說又  
事之可慮者也宣公以談言微中使彼不得借  
以為端禁中頗牧詎不信然

奉天奏李建徽楊惠元兩節度兵馬狀

帝狩奉天朔方節度使李懷光率所部奔命  
連敗泚軍泚解圍去因懷光宣力欲見上請  
誅盧杞杞說帝詔懷光乘勝討賊未可入朝  
懷光以千里赴難不得見天子意殊恚恨乃  
頓兵咸陽堅壁八旬不出戰託言伺釁實陰  
結朱泚時李晟與建徽惠元皆聯屯晟懼為  
懷光所并疏請移軍贄恐建徽惠  
元勢愈孤弱必為吞併故上此奏

右懷光當管師徒足以獨制兇寇逗遛未進抑有他

由懷光軍執言所患太強不資傍助比者又遣李晟李建徽楊惠

元三節度之眾附麗其營無益成功祇足生事何則

四軍接壘羣帥異心論勢力則懸絕高卑據職名則



憂危所切本  
作憂歎危切

不相統屬。懷光輕晟等兵微位下而忿其制不從心。  
揣。懷光。心。事。  
 晟等疑懷光養寇蓄奸而怨其事多凌已。端居則互  
揣。二。節。度。心。事。  
 防飛謗欲戰則遞恐分功。齟齬不和。嫌釁遂起。俾之  
斷。定。懷。光。  
 同處必不兩全。強者惡積而後亡。弱者勢危而先覆。  
斷。定。李。楊。兩。節。  
 覆亡之禍。翹足可期。舊寇未平。新患方起。憂危所切。  
度。  
 實堪疚心。太上消慝於未萌。其次救失於始兆。况乎  
救。危。防。變。一。策。  
 事情已露。禍難垂成。委而不謀。何以寧亂。李晟見機  
 慮變。先請移軍就東。  
晟見懷光反迹。寢露奏請移軍  
 到晟軍。晟乃令曰。有詔。建徽惠元。勢轉孤弱。為其吞  
先變制備疏上未報適有使者  
 徙屯。即結陣趨東。渭橋。

噬理在必然。他日雖有良圖。亦恐不能自拔。拯其危。  
此所謂軍機。

急唯在此時。今因李晟願行。便遣合軍同往。託言晟

兵素少。慮為賊泚所邀。藉此兩軍。迭為犄角。  
左傳譬

之與晉。踏之。仍先諭旨。密使促裝。詔書至營。即日  
晉角之諸戎犄

進路。懷光意雖不欲。然亦計無所施。是謂先人有奪

人之心。  
秦康公送公子雍于晉。趙宣子曰。我若受秦

善政也。潛師夜進。遂敗秦師。疾雷不及掩耳者也。  
秦則賓也不受寇也。既不受矣。而復緩師。秦

疾雷不及掩耳。夫制軍。馭將。所貴見情。離合。疾徐。各  
明乎此方得將將之術。

有宜。適當。離者合之。則召亂。當合者離之。則寡功。當



疾而徐則失機機。所。爭。在。此。當徐而疾則漏策得其要安。危。之。一。契其時然

後舉無敗謀措無危勢今者屯兵而不肯為用聚將

而罔能叶心自為鯨鯢左傳楚子曰古者明王伐不敬取其鯨鯢而封之以為大

戮于是乎有京又。申。明。留。屯。之。無。益。變在朝夕留之不足以相制徒長厲

階析之各競於擅能或建勲績事有必應斷無可疑

解鬪一。篇。要。語。不可以不離救焚不可以不疾理盡於此唯陛

下圖之

以前件事宜臣昨晚自行營迴面奉進止以臣所

商量許李晟移就城東灼然穩便但慮懷光不免

悵望因此生詞轉難調息則不如不去令臣更審

細思量奏來者臣以事機得失所繫安危千慮百

思通夕忘寐誠以貪因循而不能矯失者終有大

患處艱脆而不思出險者必無久安罄陳芻蕘惟

所省擇謹奏

蔡九霞曰兩帥相疑便不宜同處一地况順逆之

心既異強弱之勢又不敵可不思出險防變乎

李晟先見公贊成之因復為楊李二帥計乃未

幾而懷光果并二軍公之料事其明如此



臣竊以... 陛下... 臣... 奏... 伏... 乞... 聖... 鑒... 謹... 奏

駕幸梁州論進獻瓜果人擬官狀

右欽澈奉宣聖旨。自發洋州已來。累路百姓。進獻果子胡瓜等。雖甚微細。且有此心。今擬各與散試官。卿宜商量可否者。伏以爵位者。天下之公器。而國之大柄也。唯功勳才德。所宜處之。非此二途。不在賞典。恒宜慎惜。理不可輕。輕用之。則是壞其公器。而失其大柄也。器壞則人將不重。柄失則國無所持。起端雖微。流弊必大。緣路所獻瓜果。蓋是野人微情。有之不足光聖猷。無之不足虧至化。量以錢帛為賜。足彰行幸



之恩饋獻酬官恐非令典謹奏

又論進瓜果人擬官狀

德宗幸梁州一路百姓進獻果子胡瓜等物命以散試官酬之贄以爵位為國之大柄不可以饋獻微情輕褻名器帝以試官虛名無損于事與亦何妨贄復上此奏

右欽漵齋中書所與進瓜果人擬官狀示臣仍奉宣聖旨朕所到處欲得人心喜悅試官虛名無損於事

宰臣已商量進擬與亦無妨者臣愚以為信賞必罰通篇論爵賞之當慎起處將刑罰來霸王之資輕爵褻刑衰亂之漸信賞在功無不報必

罰在罪無不懲非功而獲爵則爵輕非罪而肆刑則件說刑褻爵賞刑罰國之大綱一綱或禁萬目皆弛雖有



善理未如之何。天寶季年，嬖倖傾國，爵以情授，賞以

寵加。天下蕩然，紀綱始紊。祿山乘釁，遂亂中原。遣戍

歲增，策勳日廣。財賦不足以供賜，而職官之賞與焉。

職員不足以容功，而散試之號行焉。青朱雜沓於胥

徒，金紫普施於輿阜。安祿山反，肅宗方用兵，征討是時，府庫無蓄積，朝廷專以官爵

賞功，諸將出征，皆給空名告身，聽臨事注名。其後又聽以信牒授人官爵，及清渠之敗，復以官爵收散卒。

由是官輕而貨重，至有朝士僮僕衣金紫，稱大官而執賤役者，各器之濫，至是而極焉。

辨涇渭不分，二紀于茲，莫之能整。當今所病，方在爵

輕設法，貴之猶恐不重。若又自棄，將何勸人。聖旨以

到極處，正宜救正。其失豈可復甚。其弊

為試官虛名，無損於事。臣伏恐陛下思之未熟，偶有

是言，倘或謂之信然，臣竊以為過矣。夫立國之道，惟

義與權誘人之方，唯名與利名近虛，而于教為重利

近實，而于德為輕。凡所以裁是非，立法制者，則存乎

其義。至於參虛實，揣輕重，並行而不傷，迭用而不悖。

因眾之欲，度時之宜，消息盈虛，使人不倦者，則存乎

其權。專實利而不濟之以虛，則耗匱而物力不給。專

虛名而不副之以實，則誕謾而人情不趨。故國家之

制，賞典錫貨財賦秩廩，所以彰實也。差品列異服章

摠明虛名未嘗輕于定利虛使人愛實利之念

祿山本作逆羯



所以飾虛也。居上者必明其義，違其變相，須以為表裏。使人日用而不知，則為國之權得矣。謹按命秩之載于甲令者，有職事官焉，有散官焉，有勳官焉，有爵號焉。百官志云云雖以類而分，其流有四。然其掌務而授俸者，唯繫於職事之一官，以序才能，以位賢德。此所謂施實利而寓之虛名者也。其勳散爵號三者所繫，大抵止於服色資蔭而已，以馭崇貴，以甄功勞。此所謂假虛名以佐其實利者也。結東虛實之理虛實交相養，故人不瀆賞，輕重互相制，故國不廢權。今之員外試官，頗同勳

散爵號，雖則授無費祿，受不占員。然而突銛鋒排患名雖虛難者，則以是賞之。竭筋力展勤劬者，又以是酬之。其為用也可謂重矣。今或捧瓜一器，挈果一盛，亦授試官，以酬所獻，則彼突銛鋒而竭筋力者，必相謂曰：吾進瓜果人不宜授官以忘軀命而獲官，此以進瓜果而獲官，是乃國家以吾之軀命同於瓜果矣。瓜果草木也，視人如草木，誰復為用哉！且員外試官無俸祿之資，無攝管之柄，無見敬之貴，無免役之優，唯假空名以籠浮俗。浮俗所破無損以若存若亡而未甚厭棄者，徒以上之所惜耳。今陛



于。事。之。說。  
 下若又輕用之以為無損於事。寤斯旨復何賴焉。  
申。明。立。功。曷。賞。意。  
 後之立功曷用為賞。陛下若欲賞之以職事則官員  
 有限而勲伐無窮。固不勝其用矣。陛下若欲賞之以  
 貨財則人力已殫而帑藏皆匱。固不充其費矣。既未  
 有實利以崇勸。又不重虛名而濫施人。無藉焉。何以  
 為國。且植瓜種果多是野人貧者所資。唯在衣食。假  
又。正。說。瓜。果。人。不。必。授。官。之。故。  
 以冗號亦奚用焉。必欲使之懽忻不如厚賞錢帛人  
當。  
 不失利。國不失權。各得所宜。兩全其寶。何有不可顧  
 傷。大猷願留睿思。更少詳度。謹奏。

崇本作敦

蔡九霞曰人主之權所以號令天下者唯此虛名  
 為鼓舞要結之具使天下習而不知德宗却喝  
 破虛名二字是以之于人則不尊以之賞人則  
 不勸治天下其何賴焉此奏極力將虛名實利  
 說得交錯盤繞古今來慎重名器之說無有如  
 此明切痛快者

陸宣公奏議卷第四







早稲田大学図書館

011888001796